



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Dn. Conradi Clingii Theologi Et Ecclesiastae Celeberrimi  
(dum vixit) apud Erphordiam Turingiæ, Catechismus  
Catholicus, summam Christianæ institutionis III. libris  
succinctim complectens**

**Klinge, Konrad**

**Coloniae, 1570**

**VD16 K 1309**

caput XLI.

**urn:nbn:de:hbz:466:1-29452**

& hominum homo Christus Iesus : homo, inquit, Christus Iesus, & secundum illam humanitatem orat pro nobis. Sic semper adhuc saluat, & officium suum exercet vsq; ad consummationem seculi, quando gloria æterna incipiet. Hæc ergo maxima est consolatio, talem habere apud Deum fratrem, Dominum, aduocatum & exoratorem.

*INDE VENTURUS EST*  
iudicare viuos & mortuos.

CAPVT XXXI.

ARGVMENTA.

1. *Quare Christus vult tenere iudicium in die nouissimo.*
2. *Quomodo signa precedentia certissimum Christi aduentum indicant.*
3. *Que sit futura sententia ultima Christi timentis iudicium.*

I.



Rimò potuisset homo dicere Deo : Domine, nos alieno & non proprio peccato damnati sumus. Adam enim nos omnes fecit peccatores, Rom. 5. Deinde Domine, nemo nos docuit voluntatem tuam, viam & modum salutis nostræ. sed ne sic excusationem haberet homo, misit redemptorem Christum Deus filiū suum, quem dedit nobis, vt sit nostra sapientia, iustificatio & sanctificatio, 1. Cor. 1. per fidem in illum, Ioan. 3. Sic Deus dilexit mundum, & car. etiam prædicauit nobis Euangelium Christus, prædicans præceptum patris, Psal. 2. & Ioan. 12. Verba quæ ego locutus sum, &c. Sic dedit mandatū Apostolis Marc. & Matth. vltimo. Prædicare Euangelium, pœnitentiam.



penitentiam & remissionem Luc. vltim. Et ideò nō  
 vult prius tenere iudicium, quàm prædicatum fue-  
 rit Euangelium in vniuerso orbe, Matt. 24. nè quis  
 se excusare possit in iudicio. Vt igitur nunc cuiq; tri-  
 buat in corpore & anima, prout gessit, siue bonū, siue  
 malum, 2. Cor. 5. & vt noti fiant qui obedierunt Euā-  
 gelio, & qui non, Roma. 10. dixit se venturum ad iu-  
 dicium cum potestate & maiestate magna, Lucæ 21.  
 Primus eius aduentus fuit occultus, secundus autem  
 erit manifestus, de quo dixerunt Prophetæ Psal. 49.  
 Deus manifestè veniet, & non silebit. & 95. Iudica-  
 bit orbem terræ in æquitate, & populum in veritate  
 sua, Actorum 1. Iterum veniet sicut vidistis eum eun-  
 tem in cœlum, & Malachias 4. de die extremo vatici-  
 natur, inquit: Ecce dies veniet succensa quasi ca-  
 minus, & erunt omnes superbi & omnes facientes  
 impietatem stipula &c. Sic ait Ioannes baptista Matt.  
 tertio. Ventilabrū in manu sua, & repurgabit aream  
 suam, & congregabit triticum &c. Et Petrus Act. 10.  
 Christus constitutus à Deo iudex viuorum & mor-  
 tuorum. Et Paulus 2. Timo. quarto. Christus iudica-  
 turus est viuos & mortuos in apparètia sua & regno  
 suo. Viui dicuntur, quos adhuc in carne ista inuentu-  
 rus est aduentus Christi, Luc. 21. 1. Thessal. quarto,  
 mortui dicuntur, qui de corpore ante hunc aduen-  
 tum exierūt, sicut exponit Augustinus in Enchiridio  
 cap. 55.

Secundò, inquit Petrus 2. Pet. 3. de quibusdam qui  
 dicunt, ambulantes secundum proprias concupiscen-  
 tias: vbi est promissio & aduentus eius? quasi dicerēt,  
 nullum erit iudicium & nullus Christi reditus. Sed  
 fratres, custodite vos ab errore tali, & crescite in co-  
 gnitione & gratia Domini nostri Iesu Christi. Ideò  
 maximè absterreri debet à peccatis, quoniam iudex  
 omnia manifestabit, & consilia cordium & abscon-  
 dita tenebrarum, 1. Corinth. quarto. Et si quis non

Y 4 velit



velit dare fidem verbis, quòd Christus iterùm venurus sit, attamen signa quæ dixit prædecessura Christus, præbent maximè, vt sicut illa certissima sunt quotidie, ita erit certus Christi aduentus ad iudiciũ sunt enim hæc signa ex scripturis: primùm, quòd Romanum imperium, quòd in terris summum & vltimum est, desolabitur: & filius desolationis aut perditionis homo peccati antichristus, in templo Dei sedebit 1. Thessal. 2. non adueniet Dominus nisi venerit prius defectio, Hieronymus & Ambrosius de Romano imperio & desolatione illius hinc Apostolum intelligunt, peccatum abundabit, desolatio in templo erit tempore Antichristi: deindè surgent Pseudoprophetae, Matth. 24. falsi doctores sectarum, Apostoli Antichristi. Neque vna erit persona Antichristus, nisi fuerit vltimus falsarius, cæteri sui discipuli. Tertio, erunt signa in sole, Luc. 21. Matth. 24. in terris autem signa erunt, regnum contra regnum, seditiones, fames, pestilentia, & omnia erunt in summo, & abundabit iniquitas. hæc quotidie fieri videmus. Ergò & verissimus erit Christi aduentus. In die autem ipso nouissimo sicut fulgur de cælo repente lucebit super omnia quæ sub cælo sunt, sic erit aduentus filij hominis in illo suo die, Lucæ 17. & Dauid dicit Psalm. 97. Ignis ante ipsum præcedet, deindè signum filij hominis, id est, crux, apparebit in cælo, Matth. 24. postremò, omnes mortui & viuentes simul, boni & mali resurgent, & rapientur in nubibus obuiam Christo in aera, sicut inquit Apostolus 1. ad Thess. 4. & se parabit tunc Christus homines, sicut pastor oves ab hircis, Matt. 25. hæc omnia erunt in die nouissimo.

3. Tertio, Matth. 25. legimus, quòd filius hominis veniet in nubibus cæli cum virtute multa, & omnes sancti Angeli cum eo, tunc sedebit supra sedem gloriae suæ, & mittet angelos suos, cum tubæ voce magna, &



gna, & congregabunt electos eius à quatuor ventis,  
 a summis cœlorum vsque ad terminos eorum, & cō-  
 gregabunt antè eum omnes gentes, & separabit eos  
 sicut pastor segregat oues ab hœdis, & statuet oues  
 quidem à dextris suis, hœdos autem à sinistris. tunc  
 dicet sententiam, & his primum qui à dextris sibi e-  
 runt, dicet: Venite benedicti patris mei, possidete pa-  
 ratum vobis regnum ab exordio mundi: esuriui, & de-  
 distis mihi manducare, &c. & his qui à sinistris eius  
 erunt, dicet: Discedite à me maledicti in ignem æter-  
 num, qui paratus est diabolo & angelis eius: Esuriui,  
 & non dedistis mihi māducare, &c. & ibunt hi in sup-  
 plicium æternum, & iusti in vitam æternam: hæc e-  
 runt verba Christi. Hæc maximum nobis incutere  
 debent terrorem, vt à peccatis cessemus: omnes qui-  
 dem ore dicimus, credo Christum venturum, & iudi-  
 caturum viuos & mortuos: corde autem perpauci  
 perpendunt, & credunt iram futuram, cùm illa dies  
 vocetur dies iræ, dies magna & amara valdè, &c. tan-  
 tus est stupor carnalis securitatis. Igitur admonet  
 nos Christus vt vigilemus Lucæ 12. inquit: Nolite ti-  
 mere eos qui occidunt corpus &c. timete autem il-  
 lum, qui, postquam occiderit, etiam potestatem ha-  
 bet conijciendi in gehennam: certè dico vobis, hunc  
 timete. Augustinus in Psal. 49. Si credimus iudici-  
 um, benè viuamus fratres, tempus nunc misericor-  
 diæ est, tunc erit tempus iudicij, & Hieron. inquit:  
 Siue comedo siue bibo, semper sonant hæc verba at-  
 que tuba archangeli in auribus meis: surgite mor-  
 tui, venite ad iudicium. voluit ergo Deus hunc diem  
 iudicij esse incertū, vt semper vigilemus, & nos præ-  
 paremus ad iudicium Dei extremum: Nam iterum  
 venturus est iudicare viuos & mortuos &c.

*CREDO IN SPIRITUM*  
 sanctum.

Y S

CA.